

اتوار 21 ستمبر، 2025

مضمون۔ مادہ

سنہری متن: یسعیاہ 40 باب 5، 4 آیتاں

”ہر اک نشیب اُچا کیتا جاوے گا تے ہر اک ونگی شے سدھی تے ہر ناہموار تھاں ہموار کیتی جاوے گی۔ تے خداوند اجلال آشکارا ہووے گا تے سارے انسان اوہنوں ویکھن گے کیوں جے خداوند نے اپنے مونہوں آکھیا اے۔“

جوابی پڑھائی: زبور 97 باب 1، 4، 7، 9، 12 آیتاں

- 1۔ خداوند سلطنت کردا اے۔ زمین خوش ہوئے۔ بوہت سارے جزیرے خوشی کرن۔
- 4۔ اوہدیاں بجلیاں نے جگ نوں روشن کردتا۔ دھرتی نے ویکھیا تے کنب گئی۔
- 5۔ خداوند دے سامنے پہاڑ موم وانگر پگھل گئے۔ یعنی ساری دھرتی دے خداوند دے سامنے۔
- 6۔ اسمان اوہدی سیجیائی ظاہر کردا اے۔ ساریاں قوماں نے اوہد اجلال ویکھیا اے۔
- 7۔ کھودیاں ہوئیاں مورتیاں دے سارے پوجن والے جیہڑے بتاں اُتے فخر کردے نیں شرمندہ ہووون۔ اے معبودو! سارے اوہنوں سجدہ کرو۔
- 9۔ کیوں جے اے خداوند! توں ساری دھرتی توں اُچا ایں توں سارے معبوداں توں بوہت اعلیٰ ایں۔

12۔ اے صادقو! خداوند وچ خوش رہو و تے اوہدے پاک نال دا شکر ادا کرو۔

درسی وعظ

بائبل وچوں

1۔ یسعیاہ 60 باب 1 تا 4 (پہلی تا: آیتاں)

- 1۔ اٹھ منور ہو کیوں جے تیری لو آگئی اے تے رب دا جلال تیرے اُتے ظاہر ہوئیا۔
- 2۔ کیوں جے ویکھ، ہنیرادھرتی اُتے چھا جاوے گاتے تیرگی امتاں اُتے پر رب تیرے اُتے طالع ہووے گاتے اوہدا جلال تیرے اُتے نمایاں ہووے گا۔
- 3۔ تے قوماں تیری لودل آؤن گیاں تے بادشاہ تیرے طلوع دی لو وچ چلن گے۔
- 4۔ اپنیاں اکھیاں چک کے، چاراں پاسے ویکھ۔

2۔ زبور 114 باب 1 تا 7 آیتاں

1۔ جد اسرائیل مصر وچوں نکل آیا یعنی یعقوب دا خانوادہ اجنبی زبان قوم وچوں۔

- 2- تے یہوداہ اوہدا مقدس تے اسرائیل اوہدی مملکت ٹھہریا۔
- 3- ایہہ ویکھدیاں ای سمندر نسیا۔ یردن پچھاں ہٹ گیا۔
- 4- پہاڑ مینڈھیاں وانگر اچھلے تے پہاڑیاں بھیدھاں دے بالاں وانگر پڑکیاں۔
- 5- اے سمندر! تینوں کیہ ہوئی پئی توں نس دا ایس؟ اے یردن! تینوں کیہ ہوئی پئی توں پچھاں ہٹ دا ایس؟
- 6- اے پہاڑو! تہانوں کیہ ہوئی پئی تسی مینڈھیاں وانگر اچھلے او؟ اے پہاڑیو! تہانوں کیہ ہوئی پئی تسی بھیدھے بالاں وانگر پڑکدیاں او؟
- 7- اے دھرتی توں رب دے سامنے۔ یعقوب دے رب دے سامنے کمب۔

3- 2 سلاطین 6 باب 17 آیتاں

- 1- تے نبیاں دے پتران نے الیشع نوں آکھیا پئی ویکھ ایہہ تھاں جتھے اسی تیرے سامنے رہندے آں ساڈے لئی تنگ اے۔
- 2- ایس لئی ساہنوں توڈرا یردن ول جان دے پئی اسی او تھے اک کڑی لئے تے او تھے ای تھاں بنالئے جتھے اسی رہ سکئیے، اوہنے جواب دتا پئی جاؤ۔
- 3- تدکسے نے آکھیا اپنے خادماں نال چل اوہنے آکھیا میں چلداں۔
- 4- تے جدوں اوہ یردن اُتے اُپڑے تے لکڑی وڈھن لگے۔
- 5- پراک دی کھواڑی دالوہیا جدوں اوہ کڑی وڈھ رہیا سی پانی وچ ڈگ گیا تے اوہ چمکن لگ پیاہائے میرے مالک ایہہ تے منگیا ہوئی سی۔

- 6- رب دے بندے نے آکھیا اوہ کیس تھاں تے ڈگیا سی؟ اوہنے اوہنوں اوہ تھاں وکھائی فیر اوہنے اوہ تھے اک سوٹی دا ٹکڑا سٹ دتا تے اوہ لوہیا تیرن لگ پیا۔
- 7- فیر اوہنے آکھیا اپنے لئی چک لے تے اوہنے ہتھ ودھا کے اوہ چک لیا۔
- 8- شاہ ارام شاہ اسرائیل نال لڑ رہیا سی تے اوہنے اپنے خادماں نال صلاح کیتی تے آکھیا پئی میں فلاں فلاں تھاں اُتے ڈیرہ لاناواں گا۔
- 9- ایس لئی رب دے بندے نے اسرائیل نوں آکھ کے گھلپائی خبر دار توں فلاں تھاں توں نہ لنگیں کیوں جے اوہ تھے ارامی آؤن والے نیں۔
- 10- تے شاہ اسرائیل نے اوس تھاں اُتے جیدی خبر رب نے دتی سی تے اوہنوں آگاہ کر دتا سی بندے گھلے تے اوہ تھوں اپنے آپ نوں بچایا تے بس ایہہ اک یاد دوا ری نیں۔
- 11- ایس گل توں شاہ ارام دادل بوہت بے چین ہو گیا تے اوہنے اپنے خادماں نوں بلا کے اوہناں نوں آکھیا کیہ تسی مینوں نیں دسو گے پئی ساڈے وچوں کون اسرائیل ول اے۔
- 12- تد اوہدے خادماں وچوں اک نے آکھیا نیں اے میرے مالک! اے بادشاہ! بلکہ ایشع جیہڑا اسرائیل وچ نبی اے تیریاں اوہناں گلاں نوں جیہڑیاں توں خلوت گاہ وچ آکھدا ایس شاہ اسرائیل نوں دس دیندا اے۔
- 13- اوہنے آکھیا پئی جا کے ویکھ اوہ کتھے اے تاں جو میں اوہنوں پھڑوا کے منگوالواں تے اوہنوں دسیا گیا پئی اوہ دوتن وچ اے۔
- 14- تد اوہنے اوہ تھے گھوڑیاں تے رتھاں تے اک وڈھے جتھے نوں گھلپاتے اوہناں نے راتوں رات آکے اوس شہر نوں گھیر لیا۔
- 15- تے جد اوس رب دے بندے دا خادم صبح نوں اُٹھ کے باہر نکلیا تے ویکھیا پئی اک جتھا گھوڑیاں تے رتھاں اُتے شہر دے آل دوال اے تے اوس خادم نے جا کے اوہنوں آکھیا ہائے اے میرے مالک! اسی کیہ دعا کریئے؟
- 16- اوہنے جواب دتا ڈرنہ کیوں جے ساڈے نال والے اوہناں دے نال والیاں توں بوہتے نیں۔

17- تے الیشع نے دعا کیتی تے آکھیا اے خداوند اوہدیاں اکھیاں کھول دے تاں جو اوہ ویکھ سکے تد خداوند نے اوس جوان دیاں اکھیاں کھول دتیاں تے اوہنے جد نگاہ کیتی تے کیہ ویکھیا پئی الیشع دے آ لے دوالے دا پہاڑ آتشی گھوڑیاں تے رتھاں نال بھریاے۔

4۔ یسعیاہ 17 باب 7، 8 آیتاں

7- اوس دن انسان اپنے بنان والے ول نظر کرے گا تے اوہدیاں اکھیاں اسرائیل دے قدوس نوں ویکھن گیاں۔
8- تے اوہ مذبحیاں یعنی اپنے ہتھ دے کماں اُتے نظر نہ کرے گا تے اپنی دستکاری یعنی یسیرتاں تے بتاں دی فکر نہ کرے گا۔

5۔ 1 کرنتھیوں 1 باب 26، 27، 29، 31 آیتاں

26- اے بھراو! اپنے سدے جاو اُتے نظر کرو پئی بدن دے لحاظ نال بوہت سارے حکیم۔ بوہت اختیار والے۔ بوہت سارے اشرف نسین سدے گئے۔
27- بلکہ رب نے سنسار دے بے وقوفاں نوں چن لیا پئی سیانیاں نوں شر مندہ کرے تے رب نے سنسار دے ماڈیاں نوں چن لیا پئی طاقت والیاں نوں شر مندہ کرے۔
29- تاں جو کوئی انسان رب دے سامنے فخر نہ کرے۔
31- تاں جو جیویں لکھیا اے اونج ای ہووے پئی جیہڑا فخر کرے اوہ رب اُتے فخر کرے۔

6۔ 2 کرنتھیوں 4 باب 6، 16 تا 18 آیات

6۔ ایس لئی رب ای اے جسے آکھیا پئی ہنیرے وچوں لوچکے تے اوہ ای ساڈے دلاں وچ چمکیا تاں جو رب دے جلال دی پچھان دانور یسوع مسیح دے نکھرے توں جلوہ گر ہووے۔

16۔ ایس لئی اسی ہمت نئیں ہار دے بلکہ بھانویں ساڈی ظاہری انسانیت زائل ہندی جاندی اے فیروں ساڈی باطنی انسانیت آئے دن نوں ہندی جاندی اے۔

17۔ ایس لئی پئی ساڈی دم بھر لئی تھوڑی جیہی مصیبت ساڈے لئی بوہت بھارتے ابدی جلال پیدا کر دی جاندی اے۔

18۔ جیہیں حال وچ اسی پئی ویکھیاں ہوئیاں شیواں اُتے نئیں بلکہ نا ویکھیاں شیواں اُتے نظر کر دے آں ایس لئی پئی ویکھیاں ہوئیاں شیواں کجھ دناں دیاں نیں پر نا ویکھیاں شیواں ابدی نیں۔

7۔ حقوق 2 باب 20 (خداوند) آیت

20۔۔۔۔۔ رب اپنی پاک ہیکل وچ اے۔ ساری دھرتی اوہ دے اگے چُپ رہو وے۔

سائنس تے صحت

1۔ 277:24 (دائرہ)۔ 32

اصلیت دی سلطنت دادا ترہ روح اے۔ روح دی غیر مشابہت مادہ اے، تے اصلیت دالٹ الہی نیں، ایہہ انسانی نظریہ اے۔ مادہ بیان دی غلطی اے۔ شروع دی ایہہ غلطی ہر اوس بیان دیاں اخیر غلطیاں وچ لے جاندی اے جیدے وچ ایہہ غلطی وڑھدی اے۔ مادے دے بارے جو کجھ وی اسی آکھدے یا من دے آں اوہ فانی نیں اے، کیوں جے مادہ عارضی اے تے ایس لئی قدرت دے فانی مظاہر، اک انسانی نظریہ کدی کدی بوہت سوہنا، پر ہمیشہ غلط ہندا اے۔

2- 18-13:292

مادہ فانی سیان داپہلا عقیدہ اے، کیوں جے ایس نام نہاد سیان نوں روح دی کوئی سمجھ نیں اے۔ فانی سیان لئی مادہ حقیقی اے تے بدی اصلی اے۔ بشر دیاں نام نہاد حساں مادی نیں۔ ایس لئی بشر اں دی نام نہاد حیاتی مادے اُتے انحصار کردی اے۔

3- 22-12،7-3:278

الہی مابعد الطبعیات مادے دی وضاحت کردی اے۔ روح الہی سائنس دانیا ہو یا کلاہ مواد تے شعور اے۔ مادی حساں ایہدی مخالفت کردیاں نیں، پر ایہتھے کوئی مادی حساں ہے ای نیں کیوں جے مادے وچ سیان نیں اے۔

بشر دے جھوٹے عقیدیاں وچوں اک ایہہ اے پئی مادا اصلی اے یا ایہدے وچ احساس یا حیاتی اے، تے ایہہ عقیدہ بس اک فرضی فانی شعور وچ موجود ہندا اے۔ ایس لئی جدوں اسی روح تے سچیائی تیکر رسائی پانے آں تے اسی مادے دا شعور گوا دینے آں۔ ایس گل دے اعتراف لئی پئی کافی مواد ہو سکدا اے اک ہو ورا اعتراف دی لوڑ اے، یعنی پئی روح لا محدود نیں اے تے ایہہ پئی مادا خود تخلیقی، خود موجود، تے ہمیشہ رہن والا اے۔ ایہدے نال ایہہ گل سامنے

آؤندی اے پئی ایہتے دو ہمیشہ دیاں وجہ نیں، جیہڑیاں ہمیشہ اک دو جے دیاں متحارب رہندیاں نیں؛ فیرووی اسی ویکھدے آں پئی روح اعلیٰ تے ہر تھاں موجود اے۔

4- 279:9-10، 13-15، 22، 29

مادہ نہ تے سیان نے بنایا اے تے نہ ای ایہہ سیان نوں ظاہر کرن یا اوہدی مدد لئی اے۔

روح تے مادہ تے اکٹھے وجود رکھ سکدے نیں تے نہ تعاون کر سکدے نیں، تے ایہناں وچوں کوئی اک دو جے نوں ایس طراں نہیں بناسکد جیویں سچیاں غلطی نوں بناؤندی اے یا ایہدے الٹ ہندا اے۔

انسانی فلسفے، عقیدے تے دوائی دے علم دا ہر نظام ایس بت پرستی دے عقیدے توں گھٹ وگھٹ متاثر ہندا اے پئی مادے وچ اک سیان اے؛ پر ایہہ عقیدہ برابر مکاشفہ تے ٹھیک وجہ دے الٹ ہندا اے۔ اک منطقی تے سائنسی نتیجے اُتے بس ایس علم دے نال اپڑیا جاندا اے پئی ہستی دیاں دونیئیاں مادے سیان نیں، بلکہ صرف واحد سیان اے۔

5- 250:25-27 (تادوجی)

جے فانی سیان نوں کڈھ دتا جاوے تے انسان دے بارے مادے دا خیال بالکل اونچ ای ہووے گا جیویں کسے رُکھ دے بارے ہندا اے۔ پر اصل روحانی انسان ہمیشہ تیکر جیوندہ تے نہ مکن والا اے۔

6- 284:15-23، 28-3

کیہ رب نوں مادی حساں دے راہیں پچھانیا جاسکدا اے؟ کیہ ایہہ مادی حساں، جنہاں نوں روح دا براہ راست ثبوت نہیں ملدا، روحانی، حیاتی، تے پیار دی صحیح گواہی دے سکدیاں نیں؟

ایہناں سارے سوالاں دا جواب ہمیشہ نہیں وچ ہونا چاہیدا اے۔

بدنی حساں رب دا کوئی ثبوت حاصل نہیں کر سکدیاں۔ اوہ نہ تے آکھ توں روح نوں ویکھ سکدے نیں نہ کن نال سن سکدے نیں، نہ ای روح نوں محسوس کر سکدے، چکھ سکدے یا سگھ سکدے نیں۔

کر سچن سائنس دے مطابق، انسان دیاں صرف اوہ ای حساں روحانی نیں، جیہڑیاں الہی سیان توں ظاہر ہندیاں نیں۔ خیال رب توں انسان وچ منتقل ہندے نیں، پر نہ ای احساس تے نہ ای رپورٹ مادی بدن توں سیان وچ جاندے نیں۔ باہمی رابطہ ہمیشہ رب توں ہو کے اوہدے خیال، یعنی انسان تیکر جاند اے۔ مادہ حساس نہیں ہندا تے چنگلیائی یا بریائی، خوشی یا پیر توں واقف نہیں ہندا۔ انسان دی انفرادیت مادی نہیں اے۔

7- 285:7-14

تے فیر اوہ کیہڑی مادی شخصیت اے جیہڑی دکھ سہندی، پاپ کردی تے مر جاندی اے؟ ایہہ اوہ انسان نہیں جیہڑا رب دی شبیہ تے صورت اے بلکہ ایہہ انسان دی نقل، شبیہ دالٹ، پاپ، بیماری تے موت اکھوان والی غیر مشابہت اے۔

بائبل دا ایہہ سبق پلین فیلڈ کر سچن چرچ، آزاد دلوں تیار ہو پالے۔ ایہہ کنگ جیمز بائبل دیاں آیتاں تے میری بیکراڈی دی لکھی ہوئی کر سچن سائنس دی درسی کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تحریراں نال بنیاں۔

ایس دعوے دا وہم پئی انسان رب دی شبیہ اے روح تے مادے، عقل تے جسم دیاں الیڈیں فطرتاں نال سامنے آؤندا اے کیوں جے اک سیان والا اے تے دو جابے عقل اے۔

8- 217:8- (تسی) 29

تسی آکھدے اوہ پئی ”محنت مینوں تھکا دیندی اے۔“ پر ایہہ مینوں کیہ اے؟ کیہ ایہہ پٹھا اے یا سیان اے؟ کیہڑی شے تھکدی اے تے ایخ بولدی اے؟ سیان دے بغیر، کیہ پٹھے تھک سکدے نیں؟ کیہ پٹھے بولدے نیں، یا تسی اوہناں لئی بولدے او؟ مادہ گھٹ سیان والا اے۔ فانی سیان جھوٹ بولدی اے، تے اوہ جیہڑا ایس تھکاوٹ دی تصدیق کردا اے اوہ ای ایس تھکاوٹ نوں بناؤندا اے۔

تسی ایہہ نیں آکھدے پئی پیہہ تھک گیا اے؛ فیرو دی بدن وی پیہہ وانگر مواد ای اے۔ جے ایہہ اوہ نیں جو انسان بدن لئی آکھدا اے تے بدن کسے وی بے جان پیہہ وانگر، کدی نیں تھکے گا۔ کئی گھنٹیاں تیکر لا شعوری دے آرام نالوں بوہتا سچیاں دا شعور ساہنوں آرام دیندا اے۔

9- 273:21-28

رب نے روحانی قانون نوں مکمل لئی مادی قانون نوں کدی مقرر نیں کیتا۔ جے کوئی اجیہا مادی قانون ہے سی تے اوہ روح یعنی رب دی بالادستی دے خلاف تے خالق دی حکمت اُتے اعتراض کرن والا سی۔ یسوع مادی قانوناں دی سدھی مخالفت وچ پانی اُتے ٹریا، جتھے نوں روٹی کھوائی، بیمار نوں شفا دتی، تے مردیاں نوں زندہ کیتا۔ اوہ دے کم مادی جس یا قانون دے جھوٹے دعویاں اُتے حاوی ہوندیاں ہوئے سائنس دا اظہار سی۔

10- 15-8:468

سوال: ہستی داسائنسی بیان کیہ اے؟

جواب: مادے وچ نہ کوئی حیاتی، سچیائی، ذہانت تے نہ ای مواد ہندا اے۔ کیوں جے رب سب داحاکم اے ایس لئی سب کچھ لامتناہی سیان تے اوہدالامتناہی اظہار اے۔ روح لافانی سچیائی اے؛ مادہ فانی غلطی اے۔ روح ابدی تے حقیقی اے؛ مادہ غیر حقیقی تے عارضی اے۔ روح رب اے تے انسان اوہدی شکل تے صورت۔ ایس لئی انسان مادی نہیں بلکہ روحانی اے۔

11- 11:120 (مادہ) 12-

۔۔۔ اوہ مادہ انسان لئی کوئی شرطیں نہیں رکھ سکدا۔

12- 28-21:269

مادی حساں دی ایہہ گواہی نہ تے مطلق اے نہ الہی اے۔ ایس لئی میں اپنے آپ نوں غیر محفوظ طریقے نال یسوع دیاں، اوہدے چیلیاں دیاں، نبیاں دیاں تعلیماں تے سیان دی سائنس دی گواہی اے قائم کرداواں ایہتھے دو جیاں نیئیاں بالکل نہیں۔ باقی سارے نظام، اوہ نظام جیہڑے پوری طراں یا جزوی طراں مادی حساں توں حاصل کیتے ہوئے علم اے نیوں رکھدے نیں، اجیسے کانے نیں جیہڑے ہوانال ہلدے نیں نہ کہ چٹان اے بنائے گئے گھر نیں۔

بائبل دایہہ سبق پلین فیلڈ کرسچن چرچ، آزادولوں تیار ہو یا۔ ایہہ کنگ جیمز بائبل دیاں آیتاں تے میری بیکراڈی دی لکھی ہوئی کرسچن سائنس دی درسی کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تحریراں نال بنیاں۔

13- 32-3:205

جدوں اسی الہی دے نال اپنے رشتے نوں پوری طراں سمجھدے آں، تے اسی کوئی ہو رسیان نئیں رکھدے ماسوائے
اوہدی سیان دے، کوئی ہو ر محبت، حکمت یا سچائی نئیں رکھدے، حیاتی دا کوئی ہو ر فہم نئیں رکھدے، تے مادے یا
غلطی دی وجودیت دا کوئی ہو ر شعور نئیں رکھدے۔

روزانہ دے فرض

میری بیکرا ایڈی ولوں

روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے؛“، الہی سچائی، حیاتی تے پیار دی
سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیار نوں ودھاوے،
تے اوہناں اُتے حکومت کرے۔

چرچ مینوئیل، آرٹیکل VIII، سیکشن 4۔

مقصد اں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصد ایا کماں اُتے اثر نہیں کرنے چاہیدے۔ سائنس وچ، بس الہی پیار ای حکومت کردا اے، تے اک مسیحی سائنسدان پاپ نوں رد کردیاں ہوئے، سچی پراہ بندی، خیرات پسندی تے معافی نال پیار دیاں مٹھیاں سچیاں داپر چھانواں بن دا اے۔ ایس چرچ دے سارے رکن اں نوں سارے پاپاں توں، غلط طراں دیاں پیشین گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہید اے تے دعا کرنی چاہیدی اے۔

چرچ مینوئیل، آرٹیکل VIII، سیکشن 1۔

فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں اوہدا انصاف ہووے گا، اوہ بے قصور یا قصور وار ہووے گا۔

چرچ مینوئیل، آرٹیکل VIII، سیکشن 6۔